

524 էջում եղած հիշատակարանի մեջ նորից է խոսվում հնդկահայ դրամատու Ստեփանոսի մասին (նիկողոսեան Աղբար կոչեցելոյ Զօրաբեանց):

Հնդկաստանի տպագրություններ

24. Հովսեփ Արղուրյանց ՕՐԻՆԱԿ ՀԱՆԴԻՍԱԽՈՐ ԾԱՆՈՒՅՄԱՆ: Մադրաս, տպ. Հարություն Շմավոնյանի, 1791, 40 էջ, վերջազարդեր: Մատենադարան, № 356:

Անվանաթերթն սկսվում է՝ Օրինակ հանդիսաւոր ծանուցման եւ ողբոյ վասն վաղնանի..., ապա՝ Տպագրեցաւ համեմատ ի մայր հեղինակէ Մադրասումս, վերջում՝ Յամի Տեառն Փրկչին մերոյ 1791 թիւ թուականութեան Հայոց 1240 ի տպարանի Տէր Յարութին Շմաւոնի Շիրազեցոյ:

Այս գրքի երկրորդ տպագրությունը, որ կատարվել է նույն Շմավոնյանի տպարանում 1792-ին, հիշվում է մեր մատենագետների կողմից (Զարրհանայան, «Հայկական մատենագիտություն», էջ 726, Ղազիկյան, «Հայկական նոր մատենագիտություն», սյունակ 250, Թեոդիկ՝ «Տիպ ու տառ», էջ 173, Լևոնյան, նշվ. աշխատութ., էջ 158), մինչդեռ այժմ նկարագրված այս առաջին հրատարակությունը մատենագիտական աշխատություններում չի հիշատակվում:

25. ԷՅԻՄԷՐՏԷ: Կալկաթա, տպ. Հովսեփ Ստեփանոսյանի, 1798, ԺԲ, 488 (=508) զարդափակ էջ, գեղեցիկ զարդեր: Մատենադարան, № 1679, Հանրային գրադարան, № 4038:

Անվանաթերթն սկսվում է. Դեղուկ, որ կոչի էֆիմէրաէ: Յորում պարունակի նախ՝ Շրջան մշտնջենաւոր զեկուցմանց, վերջում՝ Յամի Կենարարին մերոյ... 1798: Ի Կալկաթա: Ի Տպարանի Տէր Յովսեփայ, Ստեփանոսեան:

Անվանաթերթի դարձերեսին ոտանավոր՝ «Նրատական բան առ մանկունս», էջ Ա—ԺԲ Հովսեփ Ստեփանոսյանի նախարանը: 488-րդ էջի ներքևում կա փոքրիկ հիշատակարան:

Հովսեփ Ստեփանոսյանը Կալկաթայում առաջին հայկական տպարանի հիմնողն է և ժամանակագրական կարգով երրորդ հայ տպագրիչը Հնդկաստանում: Նրա տպագրած գրքերից մինչև այժմ հայ մատենագիտությանը ծանոթ են եղել երկուսը՝ Աբրահամ Կրետացու Պատմությունը (1796) և Հովհաննես Զուղայեցու (Մբրուզ) Վիճաբանության գիրքը (1797), այս «Էֆիմէրոէն» հետաքրքիր նորություն է այդ տպարանի համար, քանի որ տպագրությամբ ավելի հաջող է, քան նախորդները, որով և հարկ է զգացվում փոքր-ինչ մեղմել Ստեփանոսյանի տպագրություններին տրված «շատ խղճուկ»¹⁶ որակումը:

Հայատառ քուրբերեն գրքեր

26. ԿՐԹՈՒԹԻԻՆ ՔՐԻՍՏՈՆԷԱԿԱՆ: Կ. Պոլիս (*), 1742: ԾՂ (2 չհ.)=192 զարդափակ էջ, անվանաթերթի դարձերեսին խաչկտվյալ պատկեր: Մատենադարան, № 881, 882, Հանրային գրադարան, № 98:

Անվանաթերթն սկսվում է՝ Պու գիրք օլտուրֆի քրիստոնեական Հաւատ իրմբա Իգթիգալը Կերէք օլան Պիր գաչ էօյրէնիլենէլեր....: ԾՀԶ (176) էջում՝

¹⁶ Գ. Լևոնյան, նշվ. աշխատութ., էջ 159: